

北京圖書館 編

北京圖書館藏珍本
年譜叢刊



第 68 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 68 冊

第六十八冊目錄

白耄山人年譜·····	一
平南王元功垂範·····	七九
平南敬親王尚可喜事實冊·····	三五七
陳乾初先生年譜·····	四二一
陳乾初先生年譜·····	五二七
胡石莊年譜·····	六五五
公他先生年譜略·····	六七九



既得酒亦全其天解衣
磅礴閉目忘言任呼以佛
任呼以仙但得酒中味毋
為醒者傳 壬午暑月敬寫
古古先生行樂齒雲間戈靖之
辛酉九秋銅山張伯英敬錄



白奪山人年譜上

泗陽張相文慰西編訂

淮陰吳其轅固生校對

按山人年譜前清道咸間山陽魯通甫一同先生曾就張氏原本重爲增輯近年吳興劉氏刻之嘉業堂叢書中然非完善本也茲據山人原集並考羣書爲更訂之至魯氏所輯寅賓錄亦擇其精要按年分系庶便參稽焉

癸卯明萬歷三十一年九月十二日山人生

山人姓閻氏名爾梅字用卿號古古生而耳長大白過於面故又號白奪山人

王士禎感舊集閻爾梅字調鼎號古古蓋誤以山人季弟名號爲山人之字也

曾祖勇

泗山家乘閻氏之先蓋關中人永樂初遷沛約五傳而至太學公勇時當嘉靖中遭乙丑河患先世譜系與田廬俱沈沒上世事莫能詳也故

斷自太學公勇始公生而奇偉少以國子生遊學京師三年不樂歸而治生家遂饒富嘉靖三十二年淮徐大饑指囷五百以賑之秀水吳太宰鵬深爲

嘉許畫梅數十幅贈之舉酒祝曰古幹清芬士之品也惟君家其永寶之

祖環

字文泉泗山家乘二世文泉先生太學季子也爲沛諸生性洒落自許素不與家人生產家遂落老益縱酒舉遺產授長子獨携少子去教授豐鄉

蘭陵館穀所入或不足以佐酒資也

父思訥

字景文新水吳明恭沛文學閣公墓誌銘今天子十三年八月余以予

余讀竟嘆息因知閭氏之所以與也公諱思訥沛邑庠廣生文泉先生季子家世治毛詩自國初至今皆居沛族故大然時時苦黃河患遷徙無常處弘治年公會祖始居城東一再傳至文泉先生族乃益大文泉邑諸生勤學博聞爲遠近師表性峻潔不能容人之過然事後族輒忘去以是人多化之公生十一歲祖母朱氏卒又一歲母仇氏卒伯兄思忠仲兄思默各析爨先是文泉落落負大志不問家人生產又善飲無虛日值嘉靖乙丑歲黃河決豐沛廬舍盡沒水中土田荒蕪家遂貧移居北莊去舊居七里許公生三歲北莊火家遂日益貧文泉淹滯諸生間祖母氏母氏相繼卒又日益失所恃公始十餘齡爲公者不亦難乎是後文泉或教授豐鄉或輝之蘭陵褚氏公輒與俱以兒子執門弟子禮兼借主家薪膏肆力讀古書然文泉館金往往不足佐酒資歲一終則蕭然四壁立也又逞逞出飲友人家決旬不返公或日不再食文泉亦不問公天資遲鈍然甚勤苦讀書寒暑弗輟嘗手拾牛糞炎日中使乾夜以續火冬月乏綿尋綿種之去絮者置小筐中投雙足於內得不寒又手寫古今文數百卷每誦一葉必百餘過乃熟然一熟則終身不忘嘗自書二語於座右云百勤能補拙一懶便成愚公之立志如此萬歷癸巳年督學御史江西饒公渭錄博士弟子員公與焉明年夏文泉先生卒公居喪一如古禮服闋娶呂氏氏別有誌茲後或教授里中或徐州或豐多所造就癸卯黃河決沛縣公復避水蘭陵褚氏家以文泉舊門人爲居停主人即以舊門人之子爲門人是一年九月長子爾梅生公居蘭陵六七年其門人游泮食餼者數人成進士者一人浙直巡鹽御史褚德培是也閭世爲師褚世

爲門人於時傳爲美談甲寅歸沛城從游者日衆是時爾梅生十二年矣執門弟子禮如公昔日侍文泉先生也公設科務敦彝倫嚴名教動止必以禮善飲酒飲多至大醉不亂詩曰人之齊聖飲酒溫克庶幾近之公力學五十年邑大夫季試學師月課院道各上台觀風輒居高等遇提學錄科輒失利僅於己酉科一窺場屋又不售其數奇如此公生平多善事如隣人張姓者侵公地反加橫逆公謹避之迨丈尺井井伊悔罪願輸地內息自贖將至百石公謝不受又有豪鄰好鷹犬者鷹逐雉入人籬爲籬內人所傷豪逼之價籬內人貧甚賣兒以應公聞而責之遂解兒得不賣居家喜賓客每食故舊貧乏者填集且誠諸弟子曰吾幼從貧乏中來安得以故舊之貧乏者爲耻吾知與吾故舊共醉耳晚年微山湖水爲害鄰里姻親流離他邦者什之九懼無以應催科莫敢歸是時爾梅已從恩選貢士舉庚午科公立命之請諸邑大夫停追通招使復業瀕湖百姓生還者千餘家公嘗自言吾厄於科名未遂所志願得豐稔數年使廩有餘穀輸之有司補國課解一鄉倒懸亦義舉也疾篤將易質猶以嘔爾梅令成之嗟乎公可謂樂善不倦死而後已者矣公生於萬歷甲戌年十二月初二日亥時卒於崇禎丙子年二月二十七日辰時享年六十有三誌成並爲之銘銘曰彼君子兮世有明德家學相承其儀不忒景行行止香城之域明萬歷己未科進士繇翰林院春坊歷陞詹事禮部侍郎東閣大學士斬水姚明恭撰

母呂孺人

泗山家乘孺人沛富室女既歸景文家貧甚躬自操作積三十年家稍稍起長子且登賢書而刻苦如故性喜施難手所眷續見飢寒輒

予之遠近皆稱老善人崇禎壬午寇攻沛山人擊却之賊怒焚其廬忽大呼曰老善人居何所旁人指示之一樓得不焚云

是歲萬年少生

相文按萬年少與山人同歲生同以恩貢登庚午賢書國變後同以抗節逃禪故二人生平投契最深惟年少僅得中書又後

嗣不顯遺文散落尤可悲也今據徐州二遺民集中行事之可考見者附注
之其與山人事蹟固可以互相參証也 顧亭林年譜萬壽祺字年少崇顧
庚午舉人工詩文書畫又工寫美人他若琴棋刀劍百工技藝細而女紅刺
繡粗而革工縫紉無不通曉風流豪宕傾動一時滄桑後罷公車僧冠僧服
自名明志道人沙門慧壽痛飲食肉如故邳徐之亂移家公路
浦著有限西草堂集 又卓爾堪明遺民詩註作淮安人誤也

甲辰萬歷三十二年山人二歲

乙巳萬歷三十三年山人三歲

丙午萬歷三十四年山人四歲

丁未萬歷三十五年山人五歲

戊申萬歷三十六年山人六歲

己酉萬歷三十七年山人七歲始入學

庚戌萬歷三十八年山人八歲

辛亥萬歷三十九年山人九歲

壬子萬歷四十年山人十歲

癸丑萬歷四十一年山人十一歲

甲寅萬歷四十二年山人十二歲隨父返沛

乙卯萬歷四十三年山人十三歲

丙辰萬歷四十四年建州左衛女真奴爾哈赤襲陷撫順清河堡是歲自稱爲汗

建國號曰金改元天命

此紀皆據日本博士稻葉君山所著清朝全史稻葉君

得見滿文老檔並參以朝鮮遺文故言皆確而有據非清世官書徒作一家機關報者比也

山人十四歲

丁巳萬歷四十五年山人十五歲

戊午萬歷四十六年山人十六歲入邑庠

己未萬歷四十七年王師敗績於薩爾滸金滅葉赫

山人十七歲

魯譜有讀書歌風臺偶吟詩案今集中有讀書詩惟前二句與舊本相同餘皆改竄

庚申萬歷四十八年

山人十八歲福清葉向高再相過沛山人偕諸生謁之鎮山書院分韻賦詩

辛酉天啟元年金昭藩陽遂取遼陽徙都之

山人十九歲

是歲萬年少入庠

萬年少自志壽祺少時從塾師學師曰曹曰朱曰劉曰陳曰胡曰許十五歲誦之十餘萬言天啓元年辛酉壽祺十有九

歲始入庠爲庠士父始命游王紫芸先生之門先生諱立毅字伯無萬歷丙午浙江舉人授江西新淦縣知縣冥官追攝以功德盛去其目放還學道天台山中三年目復明北游徐州省師師即壽祺父也父命壽祺以世兄弟受業爲門人教以大道論六經指要歸於精微師善內外止觀之學三氏皆淹貫博通晨夕靜坐內照久之棄人間爲沙門卒以化去壽祺受書以來究天人之學澹泊寧靜以求至道嗣有公車之役碌碌應舉中無能發明申酉之後屢經喪亂刀俎餘生將繼師志未審廬山面目能似十九歲時長跪師前者否作受業圖第三

壬戌天啟二年山人二十歲

癸亥天啟三年山人二十一歲游學江南

是歲萬年少避亂楚州

見黃禎卿文稿序癸亥山東盜起黃子與老母幼弟避難楚州予亦避難同舍止宿

甲子天啟四年山人二十二歲

乙丑天啟五年金主遷都瀋陽

山人二十三歲

丙寅天啟六年金主奴爾哈赤攻寧遠不克而殂第四子黃台吉襲位改元天聰

山人二十四歲

丁卯天啟七年

山人二十五歲秋鄉試報罷還沛

刻江上草

戊辰崇禎元年陝西饑流賊大起

山人二十六歲以恩貢入都寓真空寺

相文案山人自本年以選貢入都至辛巳罷公車凡四年皆在京師集中遊燕

京西山詩十二章皆此時所作也據從玉泉西遊歷建文景泰陵至臥佛寺詩知建文與景泰陵當明末時固猶封樹宛然人人能識之矣余嘗數數往來香山玉泉間見夫碧瓦紺垣煥然如新者土人指曰此九皇陵也英欽之華謂余北音九景相近實景泰皇陵清當戊戌變後景帝制於西后嘗鬱鬱幸西山見景陵榛蕪埋沒僅贖荒丘淒然謂左右曰朕他日亦如是耳因出私帑勅中官修之不敢令西后知也景陵至今所以獨完好者蓋以是故至建文陵則遍詢居人無能言其遺址者計其湮沒當在清初入關之世矣自清修明史慨屏致身從亡諸錄爲子虛遂使金川一去傳疑千古今就山人

所歷觀之則明史楊行祥
十二僧之案當全翻矣

刻疏陰居詩

己巳崇禎二年

山人二十七歲

庚午崇禎三年

山人二十八歲舉京兆試二十四名

是科萬年少中式五十九名萬年少自志萬壽祺字介若一字內景世所稱年少者也江西南昌縣人曾祖以醫自湖廣游徐州

遂家焉好讀書善楷隸家世忠孝守咫尺之志不慕榮利崇禎三年庚午中楊廷樞榜第五十九名先是崇禎元年戊辰以即位恩貢郡國士在選中入試於廷當是時東陲不靖兵餉孔亟天子宵衣旰食臨軒以百姓足君孰與不足爲問荷知遇作入對圖第一

辛未崇禎四年

山人二十九歲以忤閹黨罷公車潛丘札記楊維垣成淮安畫明妃夢還漢宮圖屬人題咏適同宗閹用卿先生自沛至曰

楊名在逆案果漢宮可返則逆案可翻矣楊立取卷回後直指使者誣劾用卿楊與有力焉相文案潛丘所言山人罷公車之故與泗山家傳略同然

山人遊燕西山碧雲寺詩有學士鴻文表內官句自註此詩大為逆案人所恨遂發難端知山人觸怒閣黨其原因固非一端矣

壬申崇禎五年是歲登州總兵孔有德叛走降金

山人三十歲客淮陰

相文案集中所云淮陰皆故淮安府治也淮陰秦縣原治清河縣西二十餘里今所謂舊縣者也清乾隆中圯於河

移治山陽縣之清江浦遂割以屬焉紀元二年去府留縣復以縣名重複改山陽為淮安改清河為淮陰山陽者即故淮安附郭縣也故山人所識淮人

大都籍

山陽

是歲萬年少遊少室

見跋達磨面壁圖壬申余遊少室懸面壁圖洞見達磨真相面如滿月

癸酉崇禎六年

山人三十一歲春在蘇州

三月游杭州西湖

六月遊支硎

寅賓錄朱雲臣晚詩小序詩貴

獨立不貴附和當深求本領而後博以古人之風軌氣韻融液而神明之此昔人論詩之指也今之為詩者多矣大抵務求華整則病鑷積而聲調未俊習清遠則苦淡薄而神味不深又往往好言漢魏唐初盛若夫中晚以降概置不道然其所為未盡合也自古自汴來出其為與木居麤字草示予細秀奇麗當今無兩復以自淮至吳遊西湖諸詩屬予刪定予謬有點竄且以隅見質之謂細秀宜亮惟拗與澀是傷細秀奇麗宜雅入詭與僻乃病奇麗觀子大然之投書於予曰英雄多為欺人語然欺人也非可以欺英雄也當其造語時已測測乎其不自安矣不以人摘之而始見也乃有摘之而於心

不服者何也其摘之者未當則猶欲以不服者欺之也若夫言刺其心如藥之攻其病正自有鍼芥相投之妙且有從來不經意處一經砭示而汗流決背者如兄之甥弟之詩之謂也嗟乎閔子之以虛受人則其不可及矣其所爲論詩者亦既無餘蘊矣予又安能加一語以序閔子也天下人皆謂閔子狂而負其才嗟乎豈知閔子者哉若閔子者骨傲而神清學愈博而心愈下者也予蓋自謂與閔子稱知己也

秋客淮陰冬十一月返沛季弟入庠

見本集泗山家乘文學調卿公傳公諱爾鼎字調卿兒時墮水死一日復甦性聰穎

善讀弱冠爲諸生以酒醉亡

甲戌崇禎七年

山人三十二歲居沛邑大水請於令賑之

是歲萬年少居彭城

青泥院記彭城羣山帶郭岡嶺四合河水出焉每伏夏潏暑盛雨時行道路之側石趾斷跟桑桑充積高下其狀不

一自遙望之若放羊豕至郭門而止土人不知收取或爲河流所蝕崩岸相續沒於河中其在高阜者又往往連積垣脚與牛驢糞搜雜處崇禎七年秋予既家居乃始就宅東舊屋稍葺治之爲室五驅童僕行山中取力所能勝者得石三四百枚移置高下因地勢爲之以青泥補其罅雜種卉木當春景明朱英引秀時鳥變節清秋佳月豈仰露泣夜靜人起四候之中動靜萬狀常清暇之日居山川之都敷座治書以娛志養息良可樂也

乙亥崇禎八年流賊犯碭山沛縣戒嚴

山人三十三歲夫人張氏來歸先一年樊氏來歸見詩集自註泗山家乘張

父為沛縣廣文從之任年十六歸山人歸十年當甲申之變
按由甲申逆數至此首尾適十年故知夫人之歸當是年也

刻日刪集有口刪集自序

是歲萬年少居墓萬年少自志大父懷谿公贈文林郎福建道監察御史前大

楊守勤榜進士授浙江臨海縣知縣入試雲南道監察御史巡視北城出按
河東鹽法以母老乞終養拜疏不待報即行四十八年庚申八月光宗貞皇
帝熹宗哲皇帝和次即位入直禁中備非常遼東告急欽差提督遼餉轉福
建道監察御史魏忠賢用事託病去位出為山東按察副使母項封儒人墓
在徐州城南十里太山之陽祖父沐國恩壽祺受父畜教以忠孝登賢書時
大父大母父皆前卒獨母在上公車輒罷家居負庭訓每上食母前輒自慙
崇禎乙亥復以天年終嗟乎父母屬望於子者豈以第一第為曳青紫耀鄉里
耶學業不進無由建明於時以父母所生之身為父母報國家且榮榮一孤
上無伯叔中鮮兄弟父與母又皆棄兒
去乎此實終身之恨也作居墓圖第二

丙子崇禎九年金改國號曰清改元崇德 流賊自壽毫破蕭縣

山人三十四歲 二月二十七父文學公卒權葬微山廬墓三年萬年少曰閻

子先人墓舍與齊劉璵孝廬近所謂鸛鵒三年去之者今再見矣答曰吾敢望

古人庶幾心嚮往之卽以獄名其廬年少書之

此條不見本傳殆張魯兩家據他書補綴者也故備錄之其他

凡已見本傳者概從省略但存事目以避繁複

丁丑崇禎十年

山人三十五歲居徽山春初與弟調卿友人蔣克昌陳百史立社會文

豐縣志陳名夏

字百史溧陽人落魄時流寓豐縣與泗上閻爾梅彭門萬壽祺邑人張逢宸爲忘形交時主董象三家嘗醉語曰嘲杜甫笑空峒吾不及閻潑醉墨追草聖吾不及張披素箋工隸楷吾不及萬馳驅制藝之場游心規矩之外則海內不讓人矣聞者以爲狂未數年果破壁飛去通籍後買宅一區於城北之裏田里欲移家於此而遭時喪亂不果來今其宅雖易主然遇者猶秋歆指爲陳公村云據此知百史少時固嘗居豐沛故丁亥與山人書有到豐留一日之言也

十一月十八日長子炘生

相文按湖中詩兒生纔八歲女生未及月及流離顛越霜氣北風等語其時蓋當甲申之冬逆數至丁丑

適爲八年故知長子之生任是年也

是歲春萬年少至吳會

鄭仙弢試製序皇帝十年一之日予至吳會

戊寅崇禎十一年清兵入塞